
OFFERYNNAU STATUDOL CYMRU

2021 Rhif 1069 (Cy. 252) (C. 61)

ADDYSG, CYMRU

**Gorchymyn Deddf Cwricwlwm ac Asesu
(Cymru) 2021 (Cychwyn Rhif 1) 2021**

Gwnaed - - - - *21 Medi 2021*

Mae Gweinidogion Cymru, drwy arfer y pwerau a roddir gan adran 84(2), (3) a (4) o Ddeddf Cwricwlwm ac Asesu (Cymru) 2021(1), yn gwneud y Gorchymyn a ganlyn.

Enwi a dehongli

1.—(1) Enw'r Gorchymyn hwn yw Gorchymyn Deddf Cwricwlwm ac Asesu (Cymru) 2021 (Cychwyn Rhif 1) 2021.

(2) Yn y Gorchymyn hwn, ystyr "y Ddeddf" yw Deddf Cwricwlwm ac Asesu (Cymru) 2021.

Y darpariaethau sy'n dod i rym ar 29 Medi 2021

2. Daw adrannau 1 i 5 o'r Ddeddf i rym ar 29 Medi 2021.

Y darpariaethau sy'n dod i rym ar 29 Medi 2021 at ddibenion dyroddi neu ddiwygio cod o dan adrannau 6 a 7 o'r Ddeddf

3. Ni ddaw adrannau 6 a 7 o'r Ddeddf i rym ar 29 Medi 2021 ond at ddibenion dyroddi neu ddiwygio cod o dan yr adrannau hynny.

Y darpariaethau sy'n dod i rym ar 23 Tachwedd 2021 at ddibenion dyroddi neu ddiwygio cod o dan adran 8 o'r Ddeddf

4. Ni ddaw adran 8 o'r Ddeddf i rym ar 23 Tachwedd 2021 ond at ddibenion dyroddi neu ddiwygio cod o dan yr adran honno.

Statws *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

21 Medi 2021

Jeremy Miles
Gweinidog y Gymraeg ac Addysg, un o
Weinidogion Cymru

NODYN ESBONIADOL

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn dwyn i rym ddarpariaethau yn Neddf Cwricwlwm ac Asesu (Cymru) 2021 ("y Ddeddf").

Daw'r darpariaethau a restrir yn erthygl 2 i rym yn llawn ar 29 Medi 2021. Mae'r darpariaethau hyn yn nodi'r cysyniadau sylfaenol sy'n cael effaith mewn perthynas â'r cwricwlwm.

Daw'r darpariaethau a restrir yn erthygl 3 i rym ar 29 Medi 2021 ond dim ond at ddibenion dyroddi neu ddiwygio cod o dan adran 6 (Cod yr Hyn sy'n Bwysig) ac adran 7 (y Cod Cynnydd) o'r Ddeddf.

Daw'r ddarpariaeth a restrir yn erthygl 4 i rym ar 23 Tachwedd 2021 ond dim ond at ddibenion dyroddi neu ddiwygio cod o dan adran 8 o'r Ddeddf (y Cod ACRh).